

文淵閣

影印

四庫全書

影印

文淵閣四庫全書

第五八七冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

洛陽伽藍記

後魏 楊銓之撰……………一

吳地記

舊題唐 陸廣微撰……………五三

附後集

不著撰人

長安志

宋 宋敏求撰……………七三

洛陽名園記

宋 李格非撰……………一三九

雍錄

宋 程大昌撰……………二四九

洞霄圖志

宋 鄧牧撰……………四〇五

長安志圖

元 李好文撰……………四六九

汴京遺蹟志

明 李濂撰……………五二三

欽定四庫全書

史部
洛陽伽藍記卷二

詳校官太僕寺少卿臣李廷欽

編修臣程嘉謨覆勘

覆校官中書臣田尹衡

校對官中書臣袁文邵

謄錄監生臣吳銓

欽定四庫全書

史部十一

洛陽伽藍記

地理類七 古蹟之屬

提要

臣等謹按洛陽伽藍記五卷後魏楊銜之撰

劉知幾史通作羊銜之晁公武讀書志亦同

然隋志亦作楊與今本合疑史通悞也其里

貫未詳據書中所稱知嘗官撫軍司馬耳魏

自太和十七年作都洛陽一時篤崇佛法刹

欽定四庫全書

洛陽伽藍記
提要

廟甲於天下又永熙之亂城郭邱墟武定五

年銜之行役洛陽感念廢興因摭拾舊聞追

叙故蹟以成是書以城內及四門之外分叙

五篇叙文之後先以東面三門南面三門北

面二門各署其新舊之名以提綱領體例絕

為明晰其文穠麗秀逸煩而不厭可與酈道元

水經注肩隨其兼叙爾朱榮等變亂之事委

曲詳盡多足與史傳參証其他古蹟藝文及

外國土風道里採摭繁富亦足以廣異聞劉
知幾史通云秦人不死知符生之厚誣蜀老
猶存知葛亮之多枉蜀老事見魏書毛修之
傳秦人事即用此書趙逸一條知幾引據最
不苟知其說非鑿空也他如解魏文之苗茨
碑糾戴廷之之西征記考据亦皆精審惟以
高陽王雍之樓為即古詩所謂西北有高樓
上與浮雲齊者則未免固於說詩為是書之

欽定四庫全書

洛陽伽藍記
提要

瑕類耳據史通補註篇稱除煩則意有所恡
畢載則言有所妨遂乃定彼榛楛列為子注
若蕭大園淮海亂離志羊銜之洛陽伽藍記
是也則銜之此記實有自註世所行本皆無
之不知何時佚脫然自宋以來未聞有引用
其註者則其刊落已久今不可復考矣乾隆
四十二年二月恭校上

總纂官 臣紀昀 臣陸錫熊 臣孫士毅

總校官 臣陸費墀

欽定四庫全書

洛陽伽藍記
提要

洛陽伽藍記自叙

三墳五典之說九流百代之言竝理在人區而義兼天外至於一乘二諦之原三明六通之旨西域備詳東土靡記自頂日感夢滿月流光陽門飾豪眉之像夜臺圖紺髮之形爾來奔競其風遂廣至晉永嘉惟有寺四十二所逮皇魏受圖光宅嵩洛篤信彌繁法教愈盛王侯貴臣棄象馬如脫屣庶士豪家捨資財若遺跡於是招提櫛比寶塔駢羅爭寫天上之姿競模山中之影金刹

欽定四庫全書

洛陽伽藍記
自叙

與靈臺比高廣殿共阿房等壯豈直木衣綈繡土被朱紫而已哉暨永熙多難皇輿遷鄴諸寺僧尼亦與時徙至武定五年歲在丁卯余因行役重覽洛陽城郭崩毀宮室傾覆寺觀灰燼廟塔丘墟牆被蒿艾巷羅荆棘野獸穴於荒階山鳥巢於庭樹遊兒牧豎踰於九達農夫耕稼藝黍於雙闕麥秀之感非獨殷墟黍離之悲信哉周室京城表裏凡有一千餘寺今日寮廓鐘聲罕聞恐後世無傳故撰斯記然寺數最多不可遍寫今之所

錄上大伽藍其中小者取其詳世諦事因而出之先以

城內為始次及城外表列門名以遠近為五篇余才非著述多有遺漏後之君子詳其闕焉

大和十七年後魏高祖遷都洛陽詔司空公穆亮營造宮室洛陽城門依魏晉舊名

東面有三門北頭第一門曰建春門漢曰上東門阮籍詩曰步出上東門是也魏晉曰建春門高祖因而不改次南曰東陽門漢曰東中門魏晉曰東陽門高祖因而

欽定四庫全書

洛陽伽藍記
自叙

不改次南曰青陽門漢曰望京門魏晉曰清陽門高祖改為青陽門

南面有三門東頭第一曰開陽門初漢光武遷都洛陽作此門始成而未有名忽夜中有柱自來在樓上後瑯

琊郡開陽縣言南門一柱飛去使來視之則是也遂以開陽為名自魏及晉因而不改高祖亦然次西曰平昌

門漢曰平門魏晉曰平昌門高祖因而不改次西曰宣

陽門漢曰津一本多門魏晉曰津一作陽門高祖因而

不改

西面有四門南頭第一門曰西明門漢曰廣陽門魏晉因而不改高祖改為西明門次北曰西陽門漢曰雍門魏晉曰西明門高祖改為西陽門次北曰闔闔門漢曰上西門有銅璇璣玉衡以齊七政魏晉曰闔闔門高祖因而不改次北曰承明門承明者高祖所立當金墉城前東西大道遷京之始宮闕未就高祖住在金墉城城西有上南寺高祖數詣寺沙門論議故通此門而未有

欽定四庫全書

洛陽伽藍記
自叙

三

名世人謂之新門時王公卿士常迎駕於新門高祖謂御史中尉李彪曰曹植詩云謁帝承明廬此門宜以承明為稱遂名之

北面有二門西頭曰大夏門漢曰夏門魏晉曰大夏門嘗造三層樓去地二十丈洛陽城門樓皆兩重去地百尺惟大夏門費棟干雲東頭曰廣莫門漢曰穀門魏晉曰廣莫門高祖因而不改廣莫門以西至於大夏門宮觀相連被諸城上也

一門有三道所謂九軌一作九達

欽定四庫全書

洛陽伽藍記
自叙

四

洛陽伽藍記自叙

欽定四庫全書

洛陽伽藍記卷一

後魏 楊銜之 撰

城內

永寧寺熙平元年靈太后胡氏所立也在宮前闔闔門

南一里御道西其寺東有太尉府西對永康里南界

昭玄曹北鄰御史臺闔闔門前御道東有左衛府府

南有司徒府司徒府南有國子學堂內有孔聖像顏

淵問仁子路問政在側國子南有宗正寺寺南有太

欽定四庫全書

洛陽伽藍記

廟廟南有護軍府府南有衣冠里御道西有右衛府

府南有太尉府府南有將作曹曹南有九級府府南

有太社社南有凌陰里即四朝時藏冰處也中有九

層浮圖一所架木為之舉高九十丈有剎復高十丈

合去地一千尺去京師百里已遙見之初掘基至黃

泉下得金像三十一一作千軀太后以為信法之徵是以

營建過度也剎上有金寶瓶容二十五石寶瓶下有

承露金盤三十重周匝皆垂金鐸復有鐵鐸四道引

剎向浮圖四角鐸上亦有金鐸鐸大小如一石甕子浮

圖有九級角角皆懸金鐸合上下有一百二十鐸浮

圖有四面面有三戶六六窗戶皆朱漆扉上有五行金

釘合有五千四百枚復有金環鋪首殫土木之功窮

造形之巧佛事精妙不可思議繡柱金鋪駭人心目

至於高風永夜寶鐸和鳴鏗鏘之聲聞及十餘里浮

圖北有佛殿一所形如太極殿殿中有丈八金像一

軀中長金像十軀繡珠像三軀織成五軀作功奇巧

欽定四庫全書

洛陽伽藍記

冠於當世僧房樓觀一千餘間雕梁粉壁青瑱綺疏

難得而言栝栢松椿扶疎拂簷藂竹香草布護堦墀

是以常景碑云須彌寶殿兜率淨宮莫尚於斯也外

國所獻經像皆在此寺寺院牆皆施短椽以瓦覆之

若今宮牆也四面各開一門南門樓三重通三道去

地二十丈形製似今端門圖以雲氣畫彩仙靈綺錢

青鐸輝赫麗華拱門有四力士四獅子飾以金銀加

之珠玉裝嚴煥炳世所未聞東西兩門亦皆如之所

可異者唯樓二重北門一道不施屋似烏頭門四門外樹以青槐亘以綠水京邑行人多庇其下路斷飛塵不由奔雲之潤清風送涼豈藉合歡之發詔中書舍人常景為寺碑文景字永昌河內人也敏學博通知名海內太和十九年為高祖所器拔為律學博士刑法疑獄多訪於景正始初詔刊律令永作通式勅景共治書侍御史高僧裕羽林監王元龜尚書郎祖塋員外散騎侍郎李琰之等撰集其事又詔太師彭

欽定四庫全書

洛陽伽藍記
卷一

三

城王總青州刺史劉芳入預其議景討正科條商榷古今甚有倫序見行於世今律二十篇是也又共芳造洛陽宮殿門閣之名經途里邑之號出除長安令時人比之潘岳其後歷位中書舍人黃門侍郎祕書監幽州刺史儀同三司學徒以為榮焉景入參近侍出為侯牧居室貧儉事等農家唯有經史盈車滿架所著文集數百餘篇給事封暉伯作序行於世裝飾畢功明帝與太后共登之視宮內如掌中臨京師若

家庭以其目見宮中禁人不聽升街之嘗與河南尹胡孝世共登之下臨雲雨信哉不虛時有西域沙門菩提達摩者波斯國胡人也起自荒裔來遊中土見金盤炫日一作目光照雲表寶鐸含風響出天外歌詠讚歎實是神功自云年一百五十歲歷涉諸國靡不周遍而此寺精麗閭浮所無也極佛境界亦未有此口唱南無合掌連日至孝昌二年中大風發屋拔樹剝上寶瓶隨風而落入地丈餘復命工匠更鑄新瓶

欽定四庫全書

洛陽伽藍記
卷一

四

建義元年太原王余朱榮總士馬於此寺榮字天寶北地秀容人也世為第一領民酋長博陵郡公部落八千餘家有馬數萬匹富等天府武泰元年二月中帝崩無子立臨洮王世子釗以紹大業年三歲太后貪秉朝政故以立之榮謂并州刺史元天穆曰皇帝晏駕春秋十九海內士庶猶曰幼君況今奉未言之兒以臨天下而望昇平其可得乎吾世荷國恩不能坐看成敗今欲以鐵馬五千赴哀山陵兼問侍臣帝

欽定四庫全書

洛陽伽藍記

五

崩之由君竟謂如何穆曰明公世跨并肆英武志略
雄才傑出部落之民控弦一萬若能行廢立之事伊
霍復見今日榮即共穆結異姓兄弟穆年大榮兄事
之榮為盟主穆亦拜榮於是密議長君諸王之中不
知誰應當璧遂於晉陽人各鑄像不成唯長樂王子
攸像光相具足端嚴特妙是以榮意在長樂遣蒼頭
王豐入洛約以為主長樂即許之共剋期契榮三軍
縞素揚旌南出太后聞榮舉兵召王公議之時胡氏
專寵皇宗怨望假入議者莫肯致言唯黃門侍郎徐
紇舊作曰尔朱榮馬邑小胡人才凡鄙不度德量力
長戟指關所謂窮轍拒輪積薪候燎今宿衛文武足
得一戰但守河橋觀其意趣榮懸軍千里兵老師敝
以逸待勞破之必矣后然紇言即遣都督李神軌鄭
季明等領衆五千鎮河橋四月十一日榮過河內至
高頭驛長樂王從雷陂北渡赴榮軍所神軌季明等
見長樂王往遂開門降十二日榮軍於芒山之北河

欽定四庫全書

洛陽伽藍記

七

巡顯登皇帝位改年曰建武元年顯與莊帝書曰大
道既隱天下匪公禍福不追與能義絕朕猶庶幾五
帝無取六軍正以糠粃萬乘錙銖大寶非貪皇帝之
尊豈圖六合之富直以尔朱榮往歲入洛順而勤王
終為魏賊逆必加於君親鋒鏑肆於卿宰元氏少長
殆欲無遺已有陳恒盜齊之心非無六卿分晉之計
但以四海橫流欲篡未可暫樹君臣假相拜置害卿
兄弟獨夫介立遵養待時臣節詎久朕覩此心寒遠
投江表泣請梁朝誓在復耻風行建業電赴三川正
欲問罪於尔朱出卿於桎梏恤深怨於骨肉解蒼生
於倒懸謂卿明眸擊節躬來見我共叙哀辛同討凶
羯不意駕入城臯便爾北渡雖迫於兇手勢不自由
或貳生素懷棄劒猜我聞之求歎撫衿而失何者朕
之於卿兄弟非遠連枝分葉興滅相依假有內閹外
猶禦侮况我與卿睦厚偏篤其於急難凡今莫如棄
親即讐義將焉據也且尔朱榮不臣之跡暴於旁午

謀魏社稷愚智同見卿乃明白疑於必然託命豺狼
委身虎口棄親助賊兄弟尋戈假獲民地本是禁物
若克城邑絕非卿有徒危宗國以廣寇仇快賊莽之
心假卞莊之利有識之士咸為慙之今國家隆替在
卿與我若天道助順誓茲義舉則皇魏宗社與運無
窮儻天不厭亂胡羯未殄鴟鳴狼噬薦食河北在榮
為福於卿為禍豈伊異人尺書道意卿宜三復義一作
兼利是圖富貴可保徇人非慮終不食言自相魚肉

欽定四庫全書

洛陽加監記

八

善擇元吉勿貽後悔此黃門即祖榮之詞也時帝在
長子城太原王上黨王來赴急六月帝圍河內太守
元桃湯車騎將軍宗正珍孫等為顥守攻之弗克時
暑炎赫將士疲勞太原王欲使帝幸晉陽至秋更舉
大義未決召劉助筮之助曰必克於是至明盡力攻
之如其言桃湯珍孫並斬首以殉三軍顥聞河內不
守親率百僚出鎮河橋特遷侍中安豐王延明往守
硤石七月帝至河陽與顥隔河相望太原王命車騎

將軍余朱兆潛師渡河破延明於硤石顥聞延明敗
亦散走所將江淮子弟五千人莫不解甲相泣握手
成別顥與數十騎欲奔蕭衍至長社為社民斬其首
傳送京師二十日帝還洛陽進太原王天柱大將軍
餘官亦如故進上黨王太宰餘官亦如故永安三年
逆賊余朱兆囚莊帝於寺時太原王位極心驕功高
意侈予奪臧否肆意帝怒謂左右曰朕寧作高貴鄉
公死不作漢獻帝生九月二十五日詐言產太子榮

欽定四庫全書

洛陽加監記

九

穆並入朝莊帝手刃榮於光明殿穆為伏兵魯暹所
殺榮世子部落大人亦死焉榮部下車騎將軍余朱
陽都等二十人隨入東華門亦為伏兵所殺唯右僕
射余朱世隆素在家聞榮死總榮部曲燒西陽門奔
河橋至十月一日隆與榮妻止鄉郡長公主至芒山
馮王寺為榮追福薦齋即遣余朱侯討伐余朱那律
歸等領胡騎一千皆白服來至郭下索太原王尸喪
帝升大夏門望之遣主書牛法尚謂歸等曰太原王

立功不終陰圖釁逆王法無親已依正刑罪止榮身
餘皆不問卿等何為不降官爵如故歸曰臣從太原
王來朝陛下何忽今日枉致無理臣欲還晉陽不忍
空去願得太原王尸喪生死無恨發言雨淚哀不自
勝羣胡慟哭聲振京師帝聞之亦為傷懷遣侍中朱
元龍齎鐵券與世隆待之不死官位如故世隆謂元
龍曰太原王功格天地道濟生民赤心奉國神明所
知長樂不顧信誓枉害忠良今日兩行鐵字何足可

欽定四庫全書

洛陽伽藍記
卷一

+

信吾為太原王報仇終不歸降元龍見世隆呼帝為
長樂知其不款且以言帝帝即出庫物置城西門外
募敢死之士以討世隆一日即得萬餘人與歸等戰
於郭外兇勢不摧歸等屢涉戎場便利擊刺京師士
衆未習軍旅雖皆義勇力不從心三日頻戰而遊魂
不息帝更募人斷河橋有漢中人李荀為水軍從上
流放火燒橋世隆見橋被焚遂大剽生民北上太行
帝遣侍中源子恭黃門郎楊寬領步騎三萬鎮河內

世隆至高都立太原太守長廣王曄為主改號曰建
元元年余朱氏自封王者八人長廣王都晉陽遣潁
川王劼朱兆舉兵向京師子恭軍失利兆自雷陂涉
渡擒莊帝於武乾殿帝初以黃河奔急謂兆未得猝
濟不意兆不由舟楫憑流而渡是日水淺不沒一作及
馬腹故及此難書契所記未之有也銜之曰昔光武
受命冰橋凝於滹水昭烈中起的盧踊於泥溝皆理
合於天神祇所福故能功濟宇宙大庇生民若兆者

欽定四庫全書

洛陽伽藍記
卷一

十二

蜂目豺聲行窮梟獍阻兵安忍賊害君親皇靈有知
鑒其兇德反使孟津由膝贊其逆心易稱天道禍淫
鬼神福謙以此驗之信為虛說時兆營軍尚書省建
天子金鼓庭設漏刻嬪御妃主皆擁之於幕鏢帝於
寺門樓上時十二月帝患寒隨兆乞頭巾兆不與遂
囚帝還晉陽縊於三級寺帝臨崩禮佛願不為國王
又作五言曰權去生道促憂來死路長懷恨出國門
含悲入鬼鄉隧門一時閉幽庭豈復光思鳥吟青松

哀風吹白楊昔來聞免苦何言身自當至太昌元年冬始迎梓宮赴京師葬帝靖陵所作五言詩即為挽歌詞朝野聞之莫不悲慟百姓觀者悉皆掩涕而已永熙三年二月浮圖為火所燒帝登凌雲臺望火遣南陽王寶炬錄尚書長孫稚將羽林一千抹赴火所莫不悲惜垂淚而去火初從第八級中平旦大發當時雷雨晦冥雜下霰雪百姓道俗咸來觀火悲哀之聲振動京邑時有三比丘赴火而死火經三月不滅

欽定四庫全書

洛陽伽藍記

卷一

有火入地尋柱周年猶有煙氣其年五月中有人從象郡來云見浮圖於海中光明照耀儼然如新海上之民咸皆見之俄然霧起浮圖遂隱至七月中平陽王為侍中斛斯椿所使奔於長安十月而京師遷鄴建中寺普泰元年尚書令樂平王忸朱世隆所立也本是閹官司空劉騰宅屋宇奢侈梁棟踰制一里之間廊廡充溢堂北宣光殿門北乾明門博敞宏麗諸王莫及也在西陽門內御道北所謂延年里劉騰宅東

有太僕寺寺東有乘黃署署東有武庫署即魏相國司馬文王武庫東至闔闔宮門是也西陽門內御道南有永康里里內復有領軍將軍元叉宅掘故井得石銘云是漢太尉荀彧宅正光年中元叉專權太后幽隔永巷騰為謀主叉是江陽王繼之子太后妹婿熙平初明帝幼沖諸王權上太后拜叉為侍中領軍左右令總禁兵委以腹心反得幽隔永巷六年太后哭曰養虎自齧長虺成蛇至孝昌二年太后反政遂

欽定四庫全書

洛陽伽藍記

卷一

誅叉等沒騰田宅元叉誅日騰已物故太后追思騰罪發墓殘尸使其神靈無所歸趣以宅賜高陽王雍建義元年尚書令樂平王忸朱世隆為榮追福題以為寺朱門黃閣所謂僊居也以前廳為佛殿後堂為講室金花寶蓋遍滿其中有一涼風堂本騰避暑之處淒涼常冷經夏無蠅有萬年千歲之樹也

長秋寺劉騰所立也騰初為長秋令卿因為名在西陽門內御道北一里亦在延年里即是晉中朝時金

市處寺北有濛汜池夏則有水冬則竭矣中有三層浮圖一所金盤靈刹曜諸城內作六牙白象負釋迦在虛空中莊嚴佛事悉用金玉工作之異難可具陳四月四日此像常出辟邪師子導引其前吞刀吐火騰驤一面綵幢上索詭譎不常奇伎異服冠於都市像停之處觀者如堵迭相踐躍常有死人

瑤光寺世宗宣武皇帝所立在閭闔城門御道北東去千秋門二里千秋門內道北有西游園園中有凌雲

欽定四庫全書

洛陽伽藍記

十四

臺即是魏文帝所築者臺上有八角井高祖於井北造涼風觀登之遠望目極洛川臺下有碧海曲池臺東有宣慈觀去地十丈觀東有靈芝釣臺累木為之出於海中去地二十丈風生戶牖雲起梁棟丹楹刻楠圖寫列僊刻石為鯨魚背負釣臺既如從地踊出又似空中飛下釣臺南有宣光殿北有嘉福殿西有九龍殿殿前九龍吐水成一海凡四殿皆有飛閣向靈芝往來三伏之月皇帝在靈芝臺以避暑有五層

浮圖一所去地五十丈僊掌凌虛鐸垂雲表作工之妙埒美未寧講殿尼房五百餘間綺疏連亘戶牖相通珍木香草不可勝言牛筋狗骨之木雞頭鴨脚之草亦悉備焉椒房嬪御學道之所掖庭美人並在其內亦有名族處女性愛道場落髮辭親來依此寺屏珍麗之飾服修道之衣投心八正歸誠一乘永安三年中余朱兆入洛陽縱兵大掠時有秀容胡騎數十入瑤光寺淫穢自此後頗獲譏訕京師語曰洛陽男

欽定四庫全書

洛陽伽藍記

十五

兒急作髻瑤光寺尼奪作壻瑤光寺北有承明門有金墉城即魏氏所築晉永康中惠帝幽於金墉城東有洛陽小城永嘉中所築城東北角有魏文帝百尺樓年雖久遠形製如初高祖在城內作光極殿因名金墉城門為光極門又作重樓飛閣遍城上下從地望之有如雲也

景樂寺太傅清河文獻王懌所立也懌是孝文皇帝之子宣武皇帝之弟閭闔南御道西望永寧寺正相當

寺西有司徒府東有大將軍高肇宅北連義井里義井里北門外有桑樹數十株枝條繁茂下有甘井一所石槽鐵罐供給行人飲水庇陰多有憇者有佛殿一所像輦在馬雕刻巧妙冠絕一時堂廡周環曲房連接輕條拂戶花葉被庭至於大齋常設女樂歌聲繞梁舞袖徐轉絲管寥亮諧妙入神以是尼寺丈夫不得入得往觀者以為至天堂及文獻王薨寺禁稍寬百姓出入無復限礙後汝南王悅復脩之悅是文獻之弟名諸音樂逞伎寺內奇禽怪獸舞忤殿庭飛空幻惑世所未覩異端奇術總萃其中剝驢投井植棗種瓜須臾之間皆得食之士女觀者目亂睛迷自建義已後京師頻有大兵此戲遂隱也

昭儀尼寺閹官等所立也在東陽門內一里御道南東陽門內道北太北倉導官二署東南治粟里倉司官屬住其內太后臨朝閹寺專寵宦者之家積金滿堂是以蕭忻云高軒斗升者盡是閹官之嫠婦胡馬鳴

呵者莫不黃門之養息也忻陽平人也愛尚文籍少有名譽見閹寺寵盛遂發此言因即知名為治書侍御史寺有一佛二菩薩塑工精絕京師所無也四月七日常出詣景明景明三像恒出迎之伎樂之盛與劉騰相北堂前有酒樹麵木昭儀寺有池京師學徒謂之翟泉也銜之按杜預注春秋云翟泉在晉太倉西南晉太倉在建春門內今太倉在東陽門內此地今在太倉西南明非翟泉也後隱士趙逸云此地是晉侍中石崇家池池南有綠珠樓於是學徒始寤經過者想見綠珠之容也池西南有願會寺中書舍人王翊捨宅所立也佛堂前生桑樹一株直上五尺枝條橫遶柯葉傍布形如羽蓋復高五尺又然凡為五重每重葉樞各異京師道俗謂之神桑觀者成市施者甚衆帝聞而惡之以為惑衆命給事中黃門侍郎元紀伐之其日雲霧晦冥下斧之處血流至地見者莫不悲泣寺南有宜壽里內有苞信縣令段暉宅地

下常聞鐘聲時見五色光明照於堂宇暉甚異之遂掘光所得金像一軀可高三尺有二菩薩趺上銘曰晉大始二年五月十五日侍中中書監荀勗造暉遂捨宅為光明寺時人咸云此荀勗舊宅其後盜者欲竊此像像與菩薩合聲唱賊盜者驚怖應即殞倒眾僧聞像叫聲遂來捉得賊

胡統寺太后從姑所立也入道為尼遂居此寺在永寧南一里許寶塔五重金刹高聳洞房周匝對戶交疏

欽定四庫全書

洛陽伽藍記 卷一 十八

朱柱素壁甚為佳麗其寺諸尼帝城名德善於開導工談義理常入宮與太后說法其資養縑流從無比也

修梵寺在青陽門內御道北嵩明寺復在修梵寺西竝雕牆峻宇比屋連甍亦是名寺也修梵寺有金剛鳩鵲不入鳥雀不棲菩提達磨云得其真相也寺北有永和里漢太師董卓之宅也里南北皆有池卓之所造今猶有水冬夏不竭里中太傅錄尚書長孫稚尚

書右僕射郭祚吏部尚書邢鸞廷尉卿元洪超衛尉卿許伯桃梁州刺史尉成興等六宅皆高門華屋齋館敞麗楸槐蔭途桐楊夾植當世名為貴里掘此地者輒得金玉寶玩之物邢鸞家常掘丹砂及錢數十萬銘云董卓太師之物後卓夜中隨鸞索此物鸞不與之經年鸞遂卒矣

景林寺在開陽門內御道東講殿疊起房廡連屬丹檻炫日繡栢迎風實為勝地寺西有園多饒奇果春鳥

欽定四庫全書

洛陽伽藍記 卷一

十九

秋蟬鳴聲相續中有禪房一所內置祇洹精舍形製雖小巧構難比加以禪閣虛靜隱室凝邃嘉樹夾牖芳杜匝堦雖云朝市想同巖谷靜行之僧繩坐其內食風服道結跏數息有石銘一所國子博士盧白頭為其文白頭一字景裕范陽人也性愛恬靜丘園放傲學極六經說一作疏通百氏普泰初起家為國子博士雖在朱門以注述為事注周易行之於世也

建春門內御道南有勾盾典農籍田三署籍田南有司